



Politička organizacija građana "Naša stranka"  
 Branilaca Sarajeva 5/1, 71 000 Sarajevo  
 Telefon: 033 551 225; Fax: 033 551 226  
 E-mail: nasastranka@nasastranka.ba  
 Web: www.nasastranka.ba

Bosna i Hercegovina  
 FEDERACIJA BOSNE I HERCEGOVINE  
 PARLAMENT FEDERACIJE BOSNE I HERCEGOVINE  
 PREDSTAVNIČKI - ZASTUPNIČKI DOM  
 SARAJEVO

PRIMLJENO: 12-05-2016			
Organizacija podnosa	Klasifikacija	Broj i godina	Broj i godina
01-02		1080	116

**Dr. Dennis Gratz**  
 Zastupnik u Predstavničkom domu Parlamenta Federacije Bosne i Hercegovine

Broj: 066/16  
 Sarajevo, 12.05.2016.

**Dostaviti:**  
 Bosna i Hercegovina  
 Federacija Bosna i Hercegovina  
 Parlament Federacije BiH – Predstavnički dom  
 n/r Edin Mušić, predsjedavajući

**PREDMET: PRIJEDLOG ZAKONA O IZMJENAMA I DOPUNAMA PORODIČNOG ZAKONA – ZASTUPNIK DENNIS GRATZ**

Poštovani,

na osnovu člana 179., a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), dostavljam Vam **Prijedlog zakona o izmjenama i dopunama Porodičnog zakona**. Predlažem da se isti razmatra po redovnom postupku.

U prilogu Vam dostavljam tekst **Prijedlog zakona o izmjenama i dopunama Porodičnog zakona** sa obrazloženjem na bosanskom jeziku i elektronsku verziju istog.

S poštovanjem,

**Dennis Gratz**  
 Zastupnik u Predstavničkom domu Parlamenta Federacije BiH  
 Naša stranka

- Dostaviti Vladi Federacije BiH
- Dostaviti Predstavničkom domu Parlamenta Federacije BiH

Bosna i Hercegovina  
 FEDERACIJA BOSNE I HERCEGOVINE  
 PARLAMENT FEDERACIJE BOSNE I HERCEGOVINE  
 DOM NARODA  
 SARAJEVO

Primljeno: 12-05-2016			
Org. jed.	Broj	Prilozi	Vrijednost
02-02		1080	116

**DENNIS GRATZ**  
ZASTUPNIK U PREDSTAVNIČKOM DOMU  
PARLAMENTA FEDERACIJE BOSNE I HERCEGOVINE

PRIJEDLOG

**ZAKON**  
**O IZMJENAMA I DOPUNAMA PORODIČNOG ZAKONA FEDERACIJE BOSNE I**  
**HERCEGOVINE**

**Sarajevo, maj 2016.**

Na osnovu člana 179, a u vezi sa članom 163. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 69/07 i 2/08), podnosim

**ZAKON  
O IZMJENAMA I DOPUNAMA PORODIČNOG ZAKONA FEDERACIJE BOSNE I  
HERCEGOVINE**

**Član 1.**

U Porodičnom zakonu Federacije Bosne i Hercegovine („Službene novine Federacije BiH“, broj 35/15) u članu 137. stav (2) u drugoj rečenici iza riječi „roditelja“ dodaju se riječi „pri čemu takvi pravni poslovi moraju biti u formi notarski obrađene isprave.“

**Član 2.**

U članu 179. iza stava (1) dodaje se novi stav (2) koji glasi:

„(2) Pravni poslovi raspolaganja imovinom štíćenika iz stava 1. ovog člana moraju biti u formi notarski obrađene isprave.“

Stav (2) postaje stav (3).

**Član 3.**

U članu 188. stav (2) iza druge rečenice dodaje se nova rečenica koja glasi „Pravni poslovi raspolaganja imovinom maloljetnog štíćenika moraju biti u formi notarski obrađene isprave.“

**Član 4.**

Ovaj zakon stupa na snagu osmog dana od dana objavljivanja u "Službenim novinama Federacije BiH".

**O B R A Z L O Ž E N J E**  
**PRIJEDLOGA ZAKONA O IZMJENAMA I DOPUNAMA PORODIČNOG ZAKONA**  
**FEDERACIJE BOSNE I HERCEGOVINE**

**I – USTAVNI OSNOV**

Ustavnopravni osnov za donošenje ovog zakona sadržan je u odredbi člana IV.A.20. (1) d) Ustava Federacije Bosne i Hercegovine, kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

**II – RAZLOZI ZA DONOŠENJE ZAKONA**

Razlog za donošenje ovog zakona je presuda Ustavnog suda Federacije Bosne i Hercegovine kojom je utvrđeno da član 6. stav 1. u dijelu koji glasi „kao i osoba koja ispunjava pretpostavke iz stava 2. ovog člana“ i stav 2. istog člana, te čl. 27 i 73. Zakona o notarima („Službene novine Federacije BiH“, broj: 45/02) nisu u skladu s Ustavom Federacije BiH.


S tim u vezi predlagač je predložio odgovarajuće izmjene Porodičnog zakona Federacije BiH u pravcu obavezivanja roditelja i staratelja na notarsku obradu svih isprava za pravne poslove raspolaganja imovinom maloljetnih i poslovno nesposobnih lica.

S obzirom na funkciju notara i status notarskih isprava kao javnih isprava koje važe kod svih organa vlasti, pravnih lica i drugih institucija, smatramo da je neophodno obavezati činioce na notarsku obradu svih onih isprava koje se odnose na raspolaganje imovinom maloljetnih i poslovno nesposobnih lica, obzirom da se istom obezbjeđuje zaštita ovih kategorija i njihove imovine.

**III – FINANSIJSKA SREDSTVA**

Za sprovođenje ovog zakona nije potrebno osigurati dodatna finansijska sredstva u Budžetu Federacije BiH.

S poštovanjem,

  
\_\_\_\_\_  
**Dennis Gratz**

Zastupnik u Predstavničkom domu Parlamenta Federacije BiH  
Naša stranka

**DOSTAVITI:**

- Naslovu
- Vladi Federacije BiH
- Parlamentu FBiH - Predstavnički dom i Dom naroda Parlamenta FBiH
- Stručnoj službi Parlamenta FBiH – n/r predsjednika klubova poslanika parlamentarnih stranaka
- Evidencija